



24. September 2009

Inatsisartut suleriariusianni § 36, imm. 1 naapertorlugu Naalakkersuisunut apeqqutit imaattut matumuuna saqqiummiuppakka:

Uummannami Ilulissanilu umiarsualiviup ukiuni kingullerni atorneqarnerata annertusiartornera pissutigalugu allilerneqarnissaat pisariaqartinneqarpoq, taamaattumik pisariaqartitsineq aallaavigalugu apeqqutit imaattut saqqummiutissavakka:

- **Uummannami Ilulissanilu talittarfiit allilerneqarnissaannik Naalakkersuisut pilersaaruteqarpat?**
- **Naalakkersuisunit alliliisoqarnissaa pilersaarutigineqarsimappat, qaqugu alliliinissat pinissat pilersaarutaava?**
- **Uummannami Ilulissanilu talittarfeqarnikkut alliliinissanik Naalakkersuisut pilersaaruteqartoqanngippata, suut tunngavilersuutaappat pilersaaruteqannginnermut?**

(Kristian Jeremiassen, Siumut)

Tunngavilersuut:

Uummannaq **umiarsualiveqarnermigut** Qaasuitsup Kommuniani illoqarfinni talittarfeqarniarnikkut ajornerpaatut inissisimavoq, Uummannaq nunatta sinneranut aningaasanik mikinngitsumik pilersueqataavoq, isumaqarpungalu talittarfeqarnikkut piorsaavigineqartariaqartoq siunissami aalisarnikkut ineriartornermut malinnaanissaq eqqarsaatigalugu

Ilulissat aalisarnikkut takornariaqarnikkullu tupinnaannartumik ukiuni makkunani ingerlarsorput kisiannili illoqarfiup angissusaa aammalu innuttaasut talittarfimmi atuineri qiviassagutsigit ukiuni makkunani talittarfeqarnikkut tatorliuunneqarpoq Ilulissani.

Ilulissani siunissami takornarissanik aammalumi umiarsuakkut pilersuineri atugassarititat ullutsinnut naleqquttuusariaqarput aningaasaqarnikkut suli amerlanerusunik isaatitsissagutta.



Periarfissarlu ataasiuvoq aningaasanik amerlanerusunik nunarput pissarsissappat takornarissat aammalumi Aalisartut periarfissaat talittarfeqarnikkut pitsaanerusariaqarput.

Apeqquteqaatiga ullut suliffiusut nalinginnaasut 10 qaangiutsinnagit akineqarnissaa piumasarivara.